



TIL: post@alver.kommune.no

Knarvik, 26. mai 2021

«Rullering Anleggsstrategi for Alver»

Lindås Revmatikarlag vil her gje våre innspel til anleggsstrategi for Alver kommune 2020-2024.

I følgje utlysing er rulleringa ei oppdatering av eksisterande planer når det gjeld anleggsutvikling og forventa spelemiddelsøknader fram til 2024.

Vår innspel er:

Det må no realiserast byggjing av symjeanlegg med tilhøyrande terapibasseng i Knarvik i Alver kommune.

I gjeldande opplisting av planar for anlegg i Alver kommune som er vedlagt denne høyringa, er symje/badeanlegg i Knarvik med i eksisterande plan:

pri. Anlegg	Stad	Tiltakshavar	Søknadssum	1. søknadsår	Merknad
Symje/badeanlegg	Knarvik	Alver kommune		2022-2024	Planlegging

For oss i Lindås Rematikarlag er det NO viktig at ein får realisert byggjing av eit slikt symjeanlegg. Dette har det vore arbeidd med planer for i svært lang tid.

Kommunen er lovpålagt i følgje Opplæringslova å ha fasilitetar for symjeopplæring for grunnskulen. Når no nye Alversund skule blir teken i bruk i haust vil «gamleskulen» i Alversund med tilhøyrande symjebasseng etter kvart bli «fasa ut». Det er difor nødvendig å investere i nytt basseng for å stetta krava til symjeopplæring i sentrale deler av Alver kommune.

Kommune har også viktige oppgåver å skape aktivitetar som kan styrke den generelle folkehelsa. Eit sentralt tiltak her er terapitrening i varmtvassbasseng. Folkehelsearbeidet er viktig del av primærhelsetenesta (kommunehelsetenesta). Dette er også ei kommunal oppgåve kommunen skal tilby i tillegg til symjeopplæring i grunnskulen.

Også innanfor kommunen sin Helse og omsorgs-sektor vil mange pasientar med muskel- og skjelett-sykdomar ha utbytte av trening og opphald i varmt vatn for å trene bevegelse og styrke.

Oppfølging, habilitering og rehabilitering som sikrer deltagelse i arbeidslivet er i denne samanheng sentralt. Trening i terapibasseng er eit viktig og godt tiltak som bidrar til å oppretthalde bevegelse, redusere smerte og gje auka livskvalitet. Dette bidrar igjen til å oppretthalde arbeidsevna.

Tilgang til terapibasseng saman med rehabilitering hos fysioterapeut blir opplevd av



mange muskel- og skjelettpasientar som ein svært viktig og virkningsfull behandlingsform.

I Noreg er det meir enn 800 symjeanlegg. Dei fleste er kommunale. Disse kommunale svømmeanleggene er **spelemiddelfinansierte**, dvs. med inntil 15-25 pst. av byggjekostnader blir dekket inn av offentleg tilskot frå tippemidlar. I tillegg får kommunen refundert meirverdiavgift for kommunalt lovpålagte investeringar. ENOVA gjev også store tilskott dersom ein kan utforma symjeanlegget med ein energiokonomisk god løysing.

Dei spelemiddelfinansierte anlegga er bygd og drive av kommunane som anlegg for idrett og fysisk aktivitet. Symjeanlegga har det formål å tilby allmennheita symjing som aktivitet.

Litt historikk

Det har på mange hald her i Nordhordland tidlegare vore arbeidd med å få realisert byggjing av symjeanlegg i regionen:

- a) Allereie då Nordhordlandshallen vart reist (ferdigstilt 2002), var ideen om å knyte eit symjebasseng til denne hallen framme,
- b) Ved kommunevalet i 2015 var det i Lindås fleire politiske parti som hadde byggjing av symjebasseng høgt prioritert på agendaen,
- c) Ei eiga FaceBook – gruppe (**Nordhordland svømmehall**) vart etablert før valet i 2015 for å fremja kravet om basseng i Nordhordland. Denne FB-gruppa har no oppslutnad av over 2100 («likes»),
- d) I Lindås kommune sin spørjeundersøking til bebuarane i 2017: («Melding frå folket: Innspel til kommuneplanen sin samfunnsdel 23. februar 2017») er ynskje frå innbyggjarane at symjebasseng er høgt prioritert. For Oppvekst – sektoren framgår at : «Symjeopplæring til barn og unge må bli styrkt»,
- e) 2018: Kommunestyret i Lindås går inn for å setja av 10 millionar kroner til eit framtidig kulturhus og symjebasseng i Knarvik.
- f) Før kommunevalet i 2019 vart også alle ordførarane i dei Nordhordlands-kommunane som seinare frå 2020 gjekk inn i den nye Alver kommune via FB-sida **Nordhordland svømmehall** førespurd om symjebasseng. Store lovnader om byggjing av symjehall vart her gjeve.

I tillegg til punkta over har det vore lagt ned mykje arbeid knytt til forsøk på å realisere eit slikt anlegg. Her kan nemnast:

Forprosjekt, besøk til andre symjeanlegg ulike stader i landet i tillegg til mykje planleggingstid som er lagt ned.

Status no i 2021 er at Symje/badeanlegg enno ikkje er realisert, men prosjektet er med på lista over framtidige idrettsanlegg og vi voner prosjektet snart kan bli bygd.



Andre symje-/basseng-anlegg i Hordaland

Ei rekkje andre kommunar i tidlegare Hordaland fylke har fått til og realisert byggjing av symjeanlegg. Her kan nemnast: ADO i Bergen, Askøy, Øygarden, Os badet (no Bjørnafjorden), Austevoll, Kvammabadet, Vossabadet, osv.

Her er det mange kommunar, både mindre enn og på størrelse med Alver, som har makta å byggje svømmeanlegg med terapibasseng.

Finansiering

Lindås Revmatikarlag er kjend med Alver kommune sin svake økonomiske ståstad.

Vi meiner difor at **kulturhus-byggjing som del av eit symje/badeanlegg må utsetjast** og at kommunens sine lovpålagte oppgåver må realiserast først slik det er sett opp i anleggsstrategien:

pri. Anlegg	Stad	Tiltakshavar	Søknadssum	1. søknadsår	Merknad
Symje/badeanlegg	Knarvik	Alver kommune		2022-2024	Planlegging

Ei slik viktig folkehelseprosjekt som ein slik investering er, meiner vi det må finnast rom. Spesielt når ein ser det i samanheng med at eit slikt anlegg kan delfinansierast ved:

- Bruk av spelemidler frå Norsk Tipping, (om lag 15-25 pst. av byggjekostnader)
- Refusjon av merverdiavgift,
- Enova midler kan ein også få tildelt dersom ein velgjer løysingar med leiande energisparande teknologi, jfr. Holmenbadet i Asker som fekk 10 mill kr i Enova midler, sjå link:
<https://www.futurebuilt.no/Forbildeprosjekter#!/Forbildeprosjekter/Holmen-svoemmehall>
- Å invitere inn private investorer og næringslivet vil også vere eit mogeleg alternativ for fullfinansiering av prosjektet.

Mvh

Lindås Revmatikarlag

v/Eivind Blindheim
nestleiar